

ხელშეკრულება სახელმწიფო შესყიდვის შესახებ GEO 01-018/23

ქ. თბილისი

23 მარტი 2023 წელი

ერთი მხრივ (შემსყიდველი): სსიპ „იუსტიციის სახლი“
წარმოდგენილი თავმჯდომარის მოადგილის ავთანდილ კობრიძის სახით,
საიდენტიფიკაციო კოდი: 204580202
მისამართი: ქ. თბილისი, ზვიად გამსახურდიას სანაპირო №1
მომღებელი: სახელმწიფო ხაზინა
ბანკის კოდი: TRESGE22
სახაზინო კოდი: 302003287

მეორე მხრივ (მიმწოდებელი): შპს „EL-GROUP“
წარმოდგენილი: დირექტორის ზაალ სეზისკვერადის სახით,
საიდენტიფიკაციო კოდი: 401957021
მისამართი: ქ. თბილისი, სამგორის რაიონი, ქინძმარაულის ქ. №15
ბანკის დასახელება: სს „საქართველოს ბანკი“
ბანკის კოდი: BAGAGE22
IBAN: GE38BG000000895042600

წინამდებარე ხელშეკრულების მხარეები ვმოქმედებთ „სახელმწიფო შესყიდვის შესახებ“ საქართველოს კანონის მე-3 მუხლის პირველი პუნქტის ს¹ ქვეპუნქტის საფუძველზე და გამარტივებული შესყიდვის საშუალებით, ვდებთ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1 „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით. ასევე ყველა იმ დოკუმენტით რომლებზედაც წინამდებარე ხელშეკრულებაში არის მინიშნება;
- 1.2 „ხელშეკრულების ჯამური ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3 „დღე“, „კვირა“, „თვე“ - კალენდარული დღე, კვირა, თვე, თუ ხელშეკრულებით სხვა რამ არ არის გათვალისწინებული;
- 1.4 „შემსყიდველი“ - ორგანიზაცია, რომელიც ახორციელებს შესყიდვას;
- 1.5 „მიმწოდებელი“ - პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

2. ხელშეკრულების საგანი

- 2.1 ხელშეკრულების საგანს წარმოადგენს სსიპ „იუსტიციის სახლის“ საჭიროებისთვის:
 - გასანათებელი მოწყობილობების და ელექტრონათურების შესყიდვა;
 - CPV კოდი: 31510000 - ელექტროფარვარა ნათურები; 31520000 - ლამპები და სანათი ნივთები.
- 2.2 შესყიდვის ობიექტის ტექნიკური აღწერილობა, რაოდენობა, ერთეულის და საერთო ფასი მოცემულია დანართში №1 - ფასების ცხრილი, რომელიც თან ერთვის ხელშეკრულებას და წარმოადგენს მის განუყოფელ ნაწილს.

3. ხელშეკრულების ღირებულება

- 3.1 ხელშეკრულების ღირებულება შეადგენს - **1 807.00 (ათას რვაას შვიდი) ლარს დღგ-ს გათვალისწინებით.**
- 3.2 ხელშეკრულების ღირებულება მოიცავს ხელშეკრულებით გათვალისწინებული შეყიდვის ობიექტის მოწოდებასთან დაკავშირებულ მიმწოდებლის ყველა ხარჯს, მათ შორის, საქართველოს კანონმდებლობით გათვალისწინებულ გადასახადებს;

4. შესყიდვის ობიექტის მიწოდების ვადა, ადგილი და პირობები

- 4.1 შესყიდვის ობიექტის მიწოდება უნდა განხორციელდეს: **ხელშეკრულების გაფორმებიდან არაუგვიანეს 10 (ათი) კალენდარული დღის განმავლობაში.**
- 4.2 შესყიდვის ობიექტის მოწოდების ადგილი: **ქ. მარნეული, შოთა რუსთაველის ქუჩა ქ.№1 (მარნეულის იუსტიციის სახლი).**

5. ანგარიშსწორების ფორმა, ვადები და პირობები

- 5.1 ანგარიშსწორება განხორციელდება ერთიანად, უნაღდო ანგარიშსწორებით, ეროვნულ ვალუტაში - ლარში, მხარეთა შორის გაფორმებული მიღება-ჩაბარების აქტის და მიმწოდებლის მიერ წარმოდგენილი ანგარიშ-ფაქტურის საფუძველზე (კანონმდებლობით გათვალისწინებულ შემთხვევაში), ანგარიშსწორებისთვის აუცილებელი დოკუმენტების სრულყოფილად გაფორმებიდან არაუგვიანეს 10 (ათი) სამუშაო დღის განმავლობაში;
- 5.2 დაფინანსების წყარო: **2023 წლის სახელმწიფო ბიუჯეტიდან სსიპ „იუსტიციის სახლისათვის“ გამოყოფილი ასიგნებების ფარგლებში.**
- 5.3 წინასწარი ანგარიშსწორება არ გამოიყენება.

6. ხელშეკრულების შესრულების კონტროლი

- 6.1 ხელშეკრულების შესრულების კონტროლს ახორციელებს სსიპ „იუსტიციის სახლის“ ინფრასტრუქტურის განვითარებისა და ლოჯისტიკის დეპარტამენტი.
- 6.2 შემსყიდველი ორგანიზაცია უფლებამოსილია, აწარმოოს მოწოდებული შესყიდვის ობიექტის ხარისხის და რაოდენობის ინსპექტირება ხელშეკრულების მოქმედების ნებისმიერ ეტაპზე. შემსყიდველს უფლება აქვს, ჩართოს ინსპექტირების პროცესში სხვა პირები, რომელთა ჩართვასაც ის ჩათვლის მიზანშეწონილად.

7. შესყიდვის ობიექტის მიღება ჩაბარების წესი:

- 7.1 მიმწოდებლის მიერ ნაკისრი ვალდებულებების შესრულება დასტურდება მხარეთა შორის გაფორმებული მიღება-ჩაბარების აქტით.
- 7.2 მიღება-ჩაბარების აქტი გაფორმდება ობიექტის მოწოდების შემდეგ, ფაქტობრივად მიწოდებული შესყიდვის ობიექტის შესაბამისად, შემსყიდველის მიერ განსაზღვრული ხელშეკრულების შესრულების კონტროლის განმახორციელებელი პირ(ებ)ის მიერ შედგენილი ინსპექტირების დასკვნის და მიმწოდებლის მიერ წარმოდგენილი სასაქონლო ზედნადების საფუძველზე, მხარეთა შორის გაფორმდება მიღება-ჩაბარების აქტი.

8. პირგასამტეხლო ხელშეკრულების პირობების შეუსრულებლობისათვის

- 8.1 ხელშეკრულებით ნაკისრი ვალდებულებების შესრულების ვადის გადაცილების შემთხვევაში, მხარეებს შესაძლოა დაეკისროთ პირგასამტეხლო, ყოველ გადაგადაცილებულ დღეზე შესასრულებელი ვალდებულების შესაბამისი ღირებულების 0.1%-ის ოდენობით;
- 8.2 მიმწოდებლის მიერ ხელშეკრულებით ნაკისრი ვალდებულებების არაჯეროვანი შესრულების შემთხვევაში, მიმწოდებელს შესაძლებელია დაეკისროს პირგასამტეხლო, შეუსრულებელი (არაჯეროვნად შესრულებული) ვალდებულების ღირებულების 1%-ის ოდენობით;
- 8.3 მიმწოდებლის მიერ ხელშეკრულებით ნაკისრი ვალდებულებების შეუსრულებლობის, ნაწილობრივი შესრულების ან არაჯეროვანი შესრულების მიზეზით ხელშეკრულების შეწყვეტის შემთხვევაში შემსყიდველს უფლება აქვს დააკისროს პირგასამტეხლო ხელშეკრულების ღირებულების 10%-ის ოდენობით.
- 8.4 იმ შემთხვევაში, თუ მიმწოდებელზე ვადების გადაცდენისათვის ან/და არაჯეროვანი შესრულებისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2%-ს, შემსყიდველს უფლება აქვს შეწყვიტოს ხელშეკრულება და მოსთხოვოს მეორე მხარეს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.
- 8.5 მიმწოდებლის მხრიდან ხელშეკრულებით ნაკისრი ვალდებულებების შესრულების 10 (ათი) დღეზე მეტი გადაგადაცილების შემთხვევაში, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს შესაბამისი პირგასამტეხლოს ანაზღაურება.
- 8.6 პირგასამტეხლოს გადახდა არ ათავისუფლებს მხარეს ხელშეკრულებით ნაკისრი ვალდებულებების შესრულებისაგან.
- 8.7 მხარეები უფლებამოსილი არიან განახორციელონ ურთიერთმოთხოვნათა გაქვითვა. ვალდებულებათა გაქვითვა შესაძლებელია მაშინაც, როცა ერთ-ერთი მოთხოვნის შესრულების ვადა ჯერ არ დამდგარა, მაგრამ ამ მოთხოვნის უფლების მქონე მხარს უჭერს გაქვითვას. ვალდებულებათა გაქვითვა ხორციელდება მეორე მხარისათვის შეტყობინებით.
- 8.8 იმ შემთხვევაში თუ ხელშეკრულების მოქმედების ვადის გასვლის შემდეგ, მიმწოდებლის მიერ ხელშეკრულებით ნაკისრი ვალდებულებები შეუსრულებელია, შემსყიდველს უფლება აქვს, დააკისროს მიმწოდებელს პირგასამტეხლო ხელშეკრულების ღირებულების 10%-ის ოდენობით.

9. გარანტია

- 9.1 ხელშეკრულებით განსაზღვრულ საქონელზე გარანტია ვრცელდება: **1 (ერთი) წლის განმავლობაში შესაბამისი მიღება-ჩაბარების აქტის გაფორმების თარიღიდან.**
- 9.2 საგარანტიო პერიოდის განმავლობაში, დეფექტის ან ხარვეზის აღმოჩენის შემთხვევაში მიმწოდებელი ვალდებულია გამოვლენილი დეფექტი გამოასწოროს შემსყიდველთან შეთანხმებულ გონივრულ ვადაში, თავისი ხარჯებით, შემსყიდველის მხრიდან რაიმე დანახარჯის გაწევის გარეშე, გარდა იმ შემთხვევისა, როდესაც დაზიანება გამოწვეულია ბუნებრივი ცვლილებით, ექსპლუატაციის წესების დარღვევით ან/და მექანიკური ზემოქმედებით.
- 9.3 იმ შემთხვევაში, თუ საგარანტიო პერიოდის განმავლობაში აღმოჩნდება წუნდებული მომსახურება ან/და საქონელი, რომლის გამოსწორება/შეცვლა შეუძლებელია, შემსყიდველის მიერ ასეთი მომსახურების/საქონლის საფასური არ ანაზღაურდება. თუ შემსყიდველს უკვე გადახდილი აქვს წუნდებული მომსახურების/საქონლის ღირებულება, მიმწოდებელი ვალდებულია დაუბრუნოს შემსყიდველს აღნიშნული თანხა, შესაბამისი შეტყობინების მიღებიდან 15 სამუშაო დღის ვადაში.

10. ხელშეკრულებაში ცვლილების შეტანა და ხელშეკრულების შეწყვეტა

- 10.1 ხელშეკრულებაში ცვლილება დაიშვება მხარეთა წერილობითი შეთანხმებით;
- 10.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით;
- 10.3 საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების თავდაპირველი ჯამური ღირებულების გაზრდა დაუშვებელია 10%-ზე მეტი ოდენობით;
- 10.4 მიმწოდებლის მხრიდან, ხელშეკრულებით ნაკისრი ვალდებულებების შესრულების 10 (ათი) დღეზე მეტი გადაგადაცილების შემთხვევაში, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს შესაბამისი პირგასამტეხლოს ანაზღაურება.

- 10.5 თუ მხარე ჯეროვნად ვერ ასრულებს მასზე დაკისრებულ მოვალეობებს, მეორე მხარე უფლებამოსილია, გავიდეს ხელშეკრულებიდან მის მიერ განსაზღვრული გონივრული დამატებითი ვადის უშედეგოდ გასვლის შემდეგ, ხელშეკრულების პირობების დამრღვევი მხარისთვის წერილობითი შეტყობინებით.
- 10.6 ხელშეკრულება შეიძლება შეწყდეს მხარეთა წერილობითი ურთიერთშეთანხმებით, წინამდებარე ხელშეკრულებით ან/და საქართველოს კანონმდებლობით დადგენილ სხვა შემთხვევებში.

11. ხელშეკრულების შესრულების შეუძლებლობა

- 11.1 ხელშეკრულების დამდები მხარის მიერ ხელშეკრულების პირობების შეუსრულებლობა არ გამოიწვევს მხარის პასუხისმგებლობას თუ ხელშეკრულების შეუსრულებლობა ან არაჯეროვანი შესრულება გამოწვეულია შესრულების შეუძლებლობით (ფორს-მაჟორი).
- 11.2 ამ ხელშეკრულების მიზნებისათვის შესრულების შეუძლებლობად (ფორს-მაჟორი) მიიჩნევა მხარეებისათვის წინასწარ უცნობი, გადაულახავი და მათი კონტროლისაგან დამოუკიდებელი გარემოებები. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა.
- 11.3 ფორს-მაჟორული გარემოებების დადგომის შემთხვევაში მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე მეორე მხარისაგან გონივრულ ვადაში არ მიიღებს წერილობით პასუხს, იგი ვალდებულია გააგრძელოს ხელშეკრულებით ნაკისრი ვალდებულებების შესრულება შესაძლებლობის ფარგლებში, შექმნილი გარემოებების გათვალისწინებით.
- 11.4 მხარეთა პასუხისმგებლობა და ვალდებულებები განახლდება ფორს-მაჟორული გარემოებების მოქმედების დასრულებისთანავე.

12. დავები და მათი გადაწყვეტის წესი

- 12.1 ხელშეკრულება დადებულია და განიმარტება საქართველოს კანონმდებლობის შესაბამისად;
- 12.2 ხელშეკრულების შესრულების პროცესში მხარეთა შორის წარმოშობილი დავა წყდება მორიგებით;
- 12.3 შეთანხმების მიუღწევლობის შემთხვევაში მხარეებს უფლება აქვთ, მიმართონ თბილისის საქალაქო სასამართლოს.





13. ხელშეკრულების მოქმედების ვადა


- 13.1 წინამდებარე ხელშეკრულება ძალაში შედის ხელშეკრულების ხელმოწერის თარიღიდან და მოქმედებს: ხელშეკრულების მე-8 მუხლი მოქმედებს ხელშეკრულების ფარგლებში მხარეთა მიერ ნაკისრი ვალდებულებების საბოლოო შესრულებამდე, ხოლო ყველა სხვა ნაწილში ხელშეკრულება მოქმედებს 2023 წლის 31 ივნისის ჩათვლით.

ხელმოწერილია:
 ხელშეკრულება და ხელშეკრულების დანართები ხელმოწერილია მხარეთა უფლებამოსილი პირების მიერ, „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის მე-3 მუხლის მე-4 პუნქტის შესაბამისად, კვალიფიციური ელექტრონული ხელმოწერით.

ვიზირებულია:
 სსიპ „იუსტიციის სახლის“ შესყიდვების დეპარტამენტის უფროსის მიერ.
 სსიპ „იუსტიციის სახლის“ შესყიდვების დეპარტამენტის მთავარი სპეციალისტის მიერ.
 სსიპ „იუსტიციის სახლის“ იურიდიული დეპარტამენტის უფროსის მიერ.

ფასების ცხრილი

№	საილუსტრაციო სურათი	შესყიდვის ობიექტის დასახელება	შესყიდვის ობიექტის აღწერილობა	განზომილების ერთეული	რაოდენობა	ერთეულის ფასი (ლარი)	საერთო ფასი (ლარი)	წარმოშობის ქვეყანა, მწარმოებელი (მწარმოებელი კომპანია ან/და ბრენდი ან/და სავაჭრო ნიშანი) და მოდელი
1.		LED სანათი	LED სანათი მილისებრი, მასალა: პლასტმასის კორპუსი; ძაბვა: 220-240V; ნათების ტემპერატურა: 6400K; სიხშირე: 50-60Hz; სიმძლავრე: 18 ვტ; D=25მმ; სიგრძე: 1200 მმ	ცალი	76	7	532	ჩინეთი, ZS, მოდელი არ გააჩნია
2.		ტექსტილის ჭადის LED ნათურა, სფეროსებრი	ძაბვა: 220-240V; სიმძლავრე: 10 ვტ; ნათების ტემპერატურა: 6400 K	ცალი	16	4	64	ჩინეთი, ZS, მოდელი არ გააჩნია
3.		ჭერის LED ნათურა, სფეროსებრი	ძაბვა: 220-240V; სიმძლავრე: 24 ვტ; ნათების ტემპერატურა: 4000-4200 K	ცალი	44	23	1012	ჩინეთი, ZS, მოდელი არ გააჩნია
5.		დიოდური სანათი ლენტე	დიოდური განათების ლენტე; ძაბვა: 220-240V; სიხშირე: 50-60Hz; სიმძლავრე: 24 ვტ; ნათების ტემპერატურა: 3000K; სიგანე: 10 მმ; მასალა: სილიკონური დრეკადი ლენტე.	ცალი	8	10	80	ჩინეთი, ZS, მოდელი არ გააჩნია

6.		<p>წყალგაუმტარი LED ნათურა, ოთხკუთხედი</p>	<p>ძაბვა: 220-240V; სიმძლავრე: 10 ვტ-1000LM; ნათების ტემპერატურა: 6500 K</p>	<p>ცალი</p>	<p>7</p>	<p>17</p>	<p>119</p>	<p>ჩინეთი, ZS, მოდელი არ გააჩნია</p>
<p>სულ ჯამი:</p>						<p>1 807 ლარი</p>		

ხელწერილი

ინტერესთა კონფლიქტის არარსებობის შესახებ

ქ. თბილისი

23 მარტი 2023 წელი

ჩვენ, წინამდებარე დოკუმენტზე ხელმოწერი პირები ვადასტურებთ, რომ ი/მ არჩილი აზარიაშვილის მიმართ სრულად ვაკმაყოფილებთ „სახელმწიფო შესყიდვების შესახებ“ საქართველოს კანონის მე-8 მუხლით დადგენილ, ინტერესთა კონფლიქტის თავიდან აცილების პირობებსა და წესებს.

ავთანდილ კობრიძე

თავმჯდომარის მოადგილე

შალვა ჯულაყიძე

სსიპ „იუსტიციის სახლის“ შესყიდვების დეპარტამენტის უფროსი

მეგი კაციტაძე

სსიპ „იუსტიციის სახლის“ იურიდიული დეპარტამენტის უფროსი

ალექსანდრე ჟვანია

სსიპ „იუსტიციის სახლის“ შესყიდვების დეპარტამენტის მთავარი სპეციალისტი